

樹

藝

篇

新編樹藝篇

蔬部一

瓜

絲瓜

甜瓜

胡瓜

王瓜

香瓜

越瓜

白冬瓜

壺

今園中瓜有甜瓜青黃二色熟並堪啖生者為瓜丁為醬
瓜有小甜瓜比甜瓜為小亦有青黃二色青者名青皮糖
罐黃者名金碁瓜有圓有長又名金鵞彈並堪熟啖其味
比甜瓜為香美

有王瓜先諸瓜結實糟之醬之淹之無所不宜或以和肉
止可生噉有越瓜今名生瓜比王瓜色青而長亦可作菹
止可生噉

有冬瓜後諸瓜結實本草所謂白瓜是也至霜降可烹食

瓜

種瓜廣雅曰土芝瓜也其子謂之𪔐天少點瓜有虎肝虎掌羊

骹兔頭𪔐

天資

狸頭白𪔐秋無餘縑瓜屬也張孟陽

瓜賦曰羊骹累錯𪔐子廬江廣志曰瓜之所出以遼東廬

江燉煌之種為美有烏瓜縑瓜狸頭瓜蜜筍瓜女臂瓜羊

髓瓜州大瓜大如斛出涼州馱須舊陽城街瓜有香登

瓜大如三升甕有挂枝瓜長二尺餘蜀地溫食瓜至冬熟

有春白瓜細小小瓣宜藏正月種三月成者秋泉瓜秋種

十月熟形如羊角色黃黑史記曰邵平者故秦東陵侯秦

破為布衣家貧種瓜於長安城東瓜美故世謂之東陵瓜

後邵平始漢書地理志曰燉煌古瓜州地有美瓜王逸瓜賦曰落䟽之文永嘉記曰永襄瓜八月熟至十一月肉青瓢赤香甜清快衆瓜子勝廣州記曰瓜冬熟號爲金釵瓜說文曰榮小瓜瓠也陸機瓜賦曰栝樓定挑黃瓠白搏金釵蜜甬小青大班玄斝素腕狸首尾蟠東陵出秦谷挂瓠起於巫山也收瓜子法常歲、先取本母子瓜截去兩頭止取中央子本母子者瓜生數葉便結子、復早熟用中輩瓜子者蔓長二三尺然後結子用後輩子者蔓長足然後結子、亦晚熟種早子熟速而瓜子種晚子熟遲而瓜大玄兩頭者近蒂子瓜曲而細近頭子瓜短而喎凡瓜落

疏青黑者為美黃白及斑雖大而惡若種苦瓜子雖爛熟
氣香其味猶苦也又收瓜子法食瓜時美者收取即以細
糠拌之日曝向燥按而簸之淨而且速也良田小豆底佳
黍底次之刈訖即耕頻頻轉之二月上旬種者為上時三
月上旬為中時四月上旬為下時五月六月上旬可種歲
瓜凡種法先以水淨淘瓜子以鹽和之鹽和則不籠死先
臥鋤耨却燥土不耨者坑雖深大常雜燥土故瓜不生然
後培坑大如斗口納瓜子四枚大豆三箇於堆旁南陽中
諺曰種瓜黃臺頭瓜生數葉摘去豆瓜性弱苗不能獨生
故須大豆為之起土瓜生不去豆則反扇瓜不得滋茂但

豆斷汁出更成良潤勿拔之則土虛燥也多鋤則饒之不
鋤則無實五穀蔬菜果蓏之屬皆如此也五六月種晚瓜
治瓜籠法旦起露未解以杖舉瓜蔓散灰於根下後一兩
日復以土培其根則迥無蟲矣又種瓜法依法種之十畝
勝一頃於良美地中先種晚未晚未令地膩熟刈取穗
欲令菱^{方未切}長秋耕之耕法弭縛犁耳起規逆耕耳弭則木
菱頭出而不沒矣至春起復順耕亦弭縛犁耳翻之還令
草頭出耕訖勞之令甚平種植穀時種之種法使行陣整
直兩行微相近兩行外相遠中間通步道、外還兩行相
近如是作次第經四小道通一車道凡一頃地中須開十

字大巷通兩乘車來去運輦其瓜都聚在十字巷中瓜生
比至初花必須三四遍熟鋤勿令有草生草生脅瓜無子
鋤法皆起禾菱令直豎其瓜蔓本底皆全土下四廂高微
兩時得停水瓜引蔓皆松菱上菱多則瓜多菱少則瓜少
菱多則蔓廣蔓廣則岐多岐多則饒子其瓜會是岐頭而
生無岐而花者皆是浪花終無瓜矣故令蔓生在菱上瓜
懸在下摘花法在步道上引手而取勿聽浪人踏瓜蔓及
翻覆之踏則並破翻則成細皆令瓜不茂而蔓早死若無
菱而種瓜者地雖美好正德長苗直引無多繁岐故瓜少
子若無菱處豎乾柴亦得凡乾柴草不好滋茂凡瓜所以

早爛者皆由脚躡及摘時不慎翻動其蔓故也若以理慎
護及至霜下葉乾子乃盡矣但依此法則不必別種早晚
及中三輩之瓜區種瓜法六月雨後種菜豆八月中犁耨
殺之十月又一轉即十月中種瓜率兩步為一區坑大如
盆口深五寸以土壅其畔如菜畦形坑底必令平正以足
踏之令其保澤以瓜子大豆各十枚遍布坑中瓜中大豆
兩物為双籍其起土故也以糞五升覆之亦令均平又以
土一升薄散糞上復以足微躡之多月大雪時連併力推
雪於坑上為大堆至春草生瓜亦生莖葉肥茂異於常者
且常有潤澤旱亦無害五月瓜便熟其拍豆鋤瓜之法與

常同若瓜子盡生則大槪宜插去之一區四根即足矣又
法冬天以瓜子數枚內熟牛糞中凍即拾聚置之陰地量
地多少以足為限正月地釋即耕逐塲布之率方一步下
一斗糞耕土覆之肥茂早熟雖不及區種亦勝凡瓜遠矣
凡生糞之地無勢多於熟糞今地小荒矣有蟻者以牛羊
骨帶髓者置瓜科左右待蟻附將棄之棄二三則無蟻者
記勝之區種瓜一畝為二十四科區方圓三尺深五寸一
科用一石糞一與土合和令相半以三斗瓦甕埋著科中
夾令甕口上與地平盛水甕中令滿種瓜甕四面各一子
以瓦蓋甕口水或減輒增常水滿種常以冬至後九十日

百日得戊辰日種之又種薤十根令周迴甕居瓜子外至
五月瓜熟薤可拔賣之與瓜相避又可種小豆於瓜中畝
四五升其薤可賣此法宜平地瓜收畝萬錢崔寔曰種瓜
宜用戊辰日二月三日可種瓜十二月臘時祀冬蓬樹瓜
田四角去蟲胡湍反瓜虫謂之蟲龍魚河圖曰瓜有兩鼻
者殺人種越瓜胡瓜法四月中種之胡瓜宜豎柴木令其
蔓緣之收越瓜款飽霜不飽則爛收胡瓜候色黃則摘
若待色赤則皮存而肉消並如凡瓜於香醬中藏之亦佳
種冬瓜法廣志曰冬瓜蔬垣神仙本草謂之地芝也傍墻
陰地作區圓二尺深五寸以熟糞及土相和正月晦日種

二月三月亦得既生以柴木倚牆令其緣上旱則澆之八月斷其稍減其實一本但存五六枚多留則不成也十月霜足收之早收則爛削去皮子於芥子醬中或美豆醬中藏之佳冬瓜越瓜瓠子十月區種如區種瓜法冬則推雪着區上為堆潤澤肥好乃勝春種

種茄子法茄子九月熟時摘取擘破水淘子取沉者速曝乾裹置至二月畦種治畦下水一如葵法性宜水常取潤澤著四五葉雨時合泥移栽之若早無雨澆水令澈澤夜栽之白日以席蓋勿令見日十月種者如區種瓜法推雪着區種不須栽其春種不作畦直如種九瓜法者亦得唯

須晚夜數澆耳大小如彈圓中生食味似小豆角

齊民要術

瓜有二種有長者有圓者長者綠色上有黑路近土處微白此甜瓜也其圓者有瓣或青或白黃或此通瓜也長者未爛時破開取穰醃而曝之為脯或入醬可食通瓜但充果子而已按草甜瓜帶可取此今醫家用之

吳化府志

越有黃瓜青瓜四五月熟西瓜金瓜甜瓜絲瓜六七月熟冬瓜亦名簞瓜九十月熟述異志曰吳桓王時越有五色瓜風俗賦曰賀瓜滿區

山陰志

注

瓜古人以紀時故遣戍者稱瓜時而往及瓜而代大戴禮夏小正五月乃瓜乃瓜者治瓜之辭也瓜者也始食瓜八

月剥瓜蓄瓜時也周詩則以七月為食瓜之候蓋夏之五月也詩云中田有廬疆場有瓜是剥是菹獻之皇祖曾孫壽考受天之祐蓋薦瓜之重如此周詩瓜無所出之地至秦漢間東陵侯種瓜長安城東而美故謂之東陵瓜又謂之青門瓜其後以遼東廬江燉煌之種為美而瓜州大瓜如斗衛瓜也故名其州曰瓜甚它瓜名尚多說文曰瓠懶也草木皆自豎立惟瓠之屬臥而不起似若懶人常臥室故字从𠂔音眠荆楚俗七月七日牽牛織女會乃設瓜果於庭中有喜子網於瓜上則以為得巧以織女主瓜云尔雅瓜性惡香尤忌聞麝氣觸之乃至一蒂不收制字象其

實在鬚蔓之間詩曰綿々瓜瓞大曰瓜小曰瓞爾雅曰其
紹脩蓋瓜之繼本為紹今驗近本之瓜常小末則復大詩
曰中田有廬疆場有瓜田之大界曰疆其小者曰場也至
此易主種瓜於其上者明百姓親睦利与同井共之也爾
雅曰瓜曰華之挑曰瞻之礼為天子削瓜副之中以締為
諸侯削瓜華之中以綌蓋華若草木之華然副絕而不属
華折而不絕郊特牲曰天子樹瓜華不斂藏之種也瓜曰
華之故謂之瓜華而瓜性少延輒腐故礼以戒諸侯畜藏
又曰瓜祭上環旧說其村謂之環々瓜之脫華処也其當
謂之蒂々瓜之繫蔓処也蒂味小若墨子曰井瓜苦蒂天

下物無全美也稽聖賦曰瓜寒於曝油於冷煎俾雅

王瓜先衆瓜而熟故名

絲瓜味甜性冷其長者近四尺可食

冬瓜大者數十斤經霜色白可久蓄

匏瓜皮青而長觶然如角德化三洲為盛

西瓜中美善漬土生而熟者亦可用俱九江府志

刺瓜即王瓜 瓠瓜

西瓜出平陽將軍者極佳俱溫州志

香瓜有金銀二色其形微長有稜又名甜瓜

醬瓜如香瓜而色青可入醬為齏醢之一種出嘉定清浦者特堅脆

以上出蘇州府志

東瓜毛羹東瓜或作冬瓜容考

王瓜可生食

吳邑志

節瓜又名生瓜可生噉亦可糟醃或作鹽豉有刺者謂之

黃瓜夏月盛有

蘇州府志

冬瓜先將濕稻草灰拌和細泥鋪地上鋤成行隴二月下種每粒離寸許以濕灰篩細蓋河水洒之又用糞澆蓋乾則澆水待芽頂灰於日中將灰揭下搓碎壅於根旁以清

糞澆之三月下旬治畦鋤穴每穴栽四科離四尺許澆灌
糞水須濃

王瓜二月初撒種長寸許鋤穴分栽一穴栽一科每日早
以清糞水澆之早則早晚皆澆待蔓長用竹上棚

甜瓜種法與冬瓜同但分栽離三尺許

香瓜種法同上或於西瓜畦中種亦可

醬瓜種法與甜瓜同生瓜種法亦與甜瓜同

便民圖纂

種瓜之法上畝為二十四科區方圓三尺深五寸一科用
一石糞、與土合和令相拌以三斗瓦甕埋着科中央令
甕口上與地盛水甕中令滿種瓜甕四面各一子以瓦蓋

甕口水或減輒增常令水滿

瑣碎錄

種瓜宜用戊辰及三月二日

同上

甜瓜生者以鯊魚骨揀頂上則蒂落而易熟

同上

蘇東坡有云紫李黃瓜村落香黃瓜今四五月淹為菹者是也月令四月王瓜生苦菜秀王瓜非今作菹之瓜其實而有毛本草名菹葵京師人呼為赤包兒謂之瓜者以其根相似耳今人以其与苦菜並稱遂疑即今黃瓜而反以

黃字訛

菹園雜記

瓜惡香々中尤惡麝一或之一蒂不實

草木子

西瓜者沙瓜者出崇明白瓜生長洲縣之大姚村寧甯瓜

廩崑山之陽莊庚信所謂甘瓜開蜜甯者金子瓜不甚大
子小色如金生吳縣述異記云吳威王時會稽生五色瓜
梁時吳中亦有五色瓜入貢

蘇州府志

瓜 有一瓜冬瓜 香金子瓜甯瓜即今所謂生瓜有刺者

曰黃瓜又括樓實亦曰黃瓜詩所謂果臝之實是也月令
四月王瓜生非此又有一種名絲瓜一名天羅絮一名布
瓜今有名摩羅者霜後取而去其殼內皆絲縷如織可用
拭物謂之布瓜疑即此若今絲瓜則細而長可食非一物
也又有甜瓜味香而甘不及西瓜庚信詩甘瓜開蜜甯韓
愈詩澄澈甘瓜濯恐非謂甜瓜或是西瓜耳

太倉州志

爾雅瓠其紹瓠註俗呼瓠瓜為瓠紹者瓜蔓緒亦著子
但小如瓠瓠名瓠之小瓜也紹繼也瓜之蔓紹緒先歲
之瓜必小亦名瓠瓜故名紹瓠詩大雅云綿々瓜瓠舍人
曰瓠名瓠小瓜也紹繼謂瓠子漢中小瓜曰瓠孫炎曰瓠
小瓜子如瓠其本子小紹先歲之瓜曰瓠然則瓜之簇類
本有二種大者曰瓜小者瓠此則其種別也而瓜蔓近本
之瓜必小於先歲之大瓜以其小如瓠故謂之瓠々是瓠
之別名故郭云

三月種甜瓜鹽水洗子用盪過糞土種之仍將洗子鹽水
澆灌候地拖袂時摘去蔓心再用糞土壓根實農桑撮要
十月收冬瓜宜地畝高燥處安頓忌鹽醋掃帚猶犬觸
之若蕾彎曲貼肉是雌者可做種來年春間依法種之同
上

甜瓜廣雅曰土芝瓜也其子齠

力點切

爾雅曰猗猗以其綿

而生也為種不一而其用有二供果為果瓜供菜為菜

瓜菜瓜則胡瓜越瓜是也

附見於後

果瓜品類甚多不可枚舉

以狀得名者則有龍肝虎掌兔頭狸頭蜜桶之稱以色得
名者則有烏瓜黃齠白齠小青大班之別然其味不出乎

甘香故不復具錄廣志以瓜之所出惟遼東廬江燉煌者
為勝然瓜州之大瓜陽城之御瓜蜀之溫食永嘉之襄瓜
第未可以優劣論是又不必拘以土所宜頗種藝之法何
如耳愚嘗聞甘肅等處其甜瓜大如頭枕割去其皮其肉
与瓠甘勝糖密所割膚皮暴之稍柔韌膏之中土以為贈
送甘而有味蓋風土所宜其實大而味甘非他種可比又
嘗見浙間一種謂之陰瓜宜於陰地之秋熟色黃如金膚
皮稍厚藏之可歷冬春食之如新。凡種常瓜以二月上
旬為上時三月上旬為中時四月上旬為下時至五六月
止可種藏瓜爾

秋瓜小實
中蓄藏實

種宜陽地煖則易長杜詩所謂

陽坡可種者是也法先以水淨淘瓜子以鹽拌之

不種死坑

深可五寸口大如斗納瓜子四箇大豆三箇以熟糞土覆

之瓜子生數葉摘去豆

生瓜子性弱以豆為之起上瓜行陣宜整兩行微

相近兩行外相遠中通步道

相近兩行外相遠中通步道

近以就糞瓜生比至初花三四

次鋤之勿令生草

生瓜子蔓長宜用乾柴枝就地

引之則子多摘時引手摘取之勿令踏瓜蔓及翻覆之

則瓜爛翻則

區種法兩步為一區口大如盆以土擁其畔

區中躡令平內瓜子大豆各十枚如前法糞覆之十月種

者大雪時擁雪坑上春草生瓜子亦生矣

又法加用甕畜水埋於科中央口与地平常令水滿四畔種瓜子則不畏旱

亦良法也。○凡收子宜用本母子截去兩頭者取中央子

本母子生數葉便結子者亦早熟者莖蔓長二三尺方生後者蔓足生兩頭子曲而細短而嚼

買其旁引棄之此種藝之法也一枚可以濟人之飢渴五畝可以足家之衣食有種之而成圃以故候托隱者矣有筍之而奉賓以具府延祚者矣毋徒以瓜蒌之微而忽之也一種胡瓜色黃即黃瓜也亦有青白者又越瓜色白即白瓜皆菜瓜也種同前瓜法黃瓜則以樹枝引蔓延緣而生白瓜則就地延蔓生子而已畏早宜常灌溉之生熟皆可食烹飪隨宜實夏秋之佳蔬也或以醬藏之為豉鹽漬為霜瓜則又蕪蔬之用矣

王氏農書

冬瓜以其冬熟也廣志謂之蔬鉅神仙本草曰一名水芝
一名白瓜蒿蒿平澤今在処園圃皆蒔之其實生苗蔓下
大者如斗而更長皮厚而有毛初生正青綠經霜則白如
塗粉其中肉及子亦白故謂之白瓜齊民要術曰種冬瓜
法傍墻陰地作區圓二尺深五寸以熟糞及土相和正月
晦日種二月三月亦可既生以柴木倚墻令其緣上緣則澆之八月
斷其稍減其實一本但留五六枚多留則不成也十月足收之則早收
冬瓜越冬十月區種如種瓜法冬則堆雪着區上為佳潤
澤肥好乃勝春種又曰削去皮子於芥子醬中或美豆醬
中藏之佳荆楚歲時記曰七月採瓜犀以為面脂本草圖

經曰犀瓣也瓢亦堪作澡豆按蔬果中瓜之為種至夥也獨此瓜耐久經霜乃熟又可藏之弥年不壞今人亦用為密煎其犀用為茶菓則兼蔬果之用矣同上

甜瓜暑月服之永不中暑氣多食未有不下痢者貧者多食至深秋作瘕為難治味甘寒有毒落水沉者不可食雙頂双蒂者殺人日用本草

越瓜即稍瓜也長者白色越人當果食之小者可藏糟用性甘寒有微毒不可多食極動氣發諸瘡令人虛弱不能行不益小兒天行病後忌食空心食令人心痛不可与牛乳酪煎鮓同食同上

胡瓜色黃是黃瓜色青是青瓜味甘寒有毒多食動寒熱
發瘡病積瘀血發疰氣令人虛熱止逆發脚氣瘡疥天行
病後不可食小兒滑中生疳垂俗云生熟食之能解暑毒
同上

枕瓜秋生其形如枕可久留出崇安五夫里其種相傳劉
丞相自外邦傳來者香瓜色黃實小如西瓜而長八閩

菜瓜又名稍瓜可生食

鎮江府志

金子瓜形如西瓜而小有紅黃黑三色出同舉者佳

西明郡

志

合子瓜鴨青瓜金瓜銀瓜御瓜梢瓜九里香瓜白瓜黃

瓜水瓜冬瓜土瓜 廣州府志

瓜帶味苦寒有毒主大水身面四肢浮腫下水殺蠱毒欬逆上氣及食諸果病在胃腹中皆吐下之鼻中息內療黃疸花主心痛欬逆生蒿高平澤七月七日採陰乾

圖經曰瓜帶即甜瓜帶也生蒿高平澤今處有之亦園圃所詩舊說瓜有青白二種入藥當用青瓜帶七月採陰乾又有越瓜色正白生越中胡瓜黃色亦謂之黃瓜別無功用食之亦不益人故可略之

甜瓜

甜瓜寒有毒止渴除煩熱多食令人陰下濕痒生瘡動宿冷病發虛熱破腹又憊、弱脚手無力少食即止渴利小便通三焦間擁塞氣兼主口鼻瘡臣禹錫等謹按日華子云無毒葉治人無髮持汁塗之即生

行義曰甜瓜暑月服之永不中暑氣多食未有不下痢者貧多食至深秋作痢為難治為其消長損陽氣故也亦可
以如白甜瓜煎漬收

甜瓜寒無毒少食止渴除煩熱利小便通三焦壅寒氣夏月不中暑氣兼主口鼻瘡多食令陰下濕痒生瘡動宿冷

病并虛熱手脚無力破腹落水沉者双頂双蒂者皆有毒
切不可食瓜蒂主身面四肢浮腫下水殺蠱毒欬逆上氣
風癰喉風痰涎暴塞及食諸果病在胸腹中皆吐下之去
鼻中息肉療黃疸及暴急黃谷主心痛欬逆食物本草

甜瓜形圓微長有稜有青白花班三種土人擇堅脆者入
醬為菹熟者名酥瓜又一種大如鵝子皮黃如金曰金瓜
亦有銀色者通謂之香瓜

松江府志

胡瓜

胡瓜葉味苦平小毒主小兒閃癖一歲服一葉已上斟酌與之生援紋汁服得吐下根持傳胡刺毒種其實味耳寒有毒不可多食動寒熱多瘡病積癰熱發疰氣令人虛熱上逆少氣發百病及瘡疥損陰血脉氣發脚氣天行後不可食小兒切忌滑中生疳出不與錯同食北人亦呼為黃瓜為石勒諱因而不改

證類本草

七月種秋王瓜立秋日宜於向陽處鋤地成畦每行一尺種子三粒以土覆之待生以清糞水澆灌又不可過肥則不結是月種霜降可食

水雲錄

黃瓜味甘寒有毒不可多食動寒熱多瘡疾發百病積癰
熱發症氣冷人虛熱上逆發脚氣瘡疥不益人小兒尤忌
滑中生痔虫不可与錯同食食物本草

刺瓜近者首有刺故名其味最清剖之一座皆有清香之
氣初青熟黃故又呼黃瓜夏秋二季皆有之興化府志

黃瓜春種夏實如梢瓜而小皮有短刺嫩青白色熟則色
黃按本草本名胡瓜為石勒諱因呼黃瓜邵武府志

王瓜之最早熟者故曰瓜之王也

建昌府志

王瓜如生瓜而有利土人雜蝦米為菹甚美

松江府志

越瓜

越瓜味甘寒利腸胃止煩渴不可多食動氣發諸瘡令人
虛弱不能行不益小兒天行病後不可食又不得與牛乳
略及鮓同食及空心食令人心痛今附臣禹錫等謹按陳
藏器云越瓜大者色正白越人當果食之利小便去煩熱
解酒毒宣洩熱氣小者糟藏之為灰傳口吻瘡及陰莖熱
瘡

稍瓜味甘寒利腸去煩熱止渴利小便解酒熱宣洩熱氣
多食動氣發瘡冷中令臍下癢痛及虛弱不能行不益小
兒不可同乳酪鮓食及空心食令胃脘痛一云和飯并齏

作鮓食亦益脾胃

食物本草

匭瓜皮青而長尺餘脉然如

角連昌府志

匭瓜一名生瓜可生啖亦宜醃藏作鹽豉有青白二種

江府志

白冬瓜

白冬瓜味甘微寒主除小腹水脹利小便止渴陶隱居云被霜後合取置經年破取核小洗燥乃搗取人用之冬瓜性冷利解毒消渴止煩悶直搗絞汁服之今注此物經霜後皮上白如粉塗故云白冬瓜也前條即冬瓜子之功此

乃皮肉之效爾陶注為子人非也臣禹錫等謹按藥性論云冬瓜諫亦可單用未其平汁止煩燥熱練厭丹石毒止熱渴利小腸除消渴差五淋孟詵云冬瓜益氣耐老除胃心滿去頭面熱者食之佳冷者食之瘦人食華子云冬瓜冷無毒除煩治胃膈熱消熱毒癰腫切摩痹之甚良葉殺蜂可修事蜂兒并協腫毒及蜂丁藤燒灰可出繡點點洗黑點并洗瘡疥濕穰亦可漱練白鱔

衍義曰白冬瓜一二斗許大冬月收為壓去汁蜜煎代

果患發背及一切癰疽削一大塊置瘡上熱則易之分散熟毒氣甚良冬瓜味甘微寒主除小腹水脹利小便止

渴益氣耐老除滿去頭面熱者食之佳冷者食之度又
煉五臟以其下氣也欲輕健者食之欲肥胖者勿食丹溪
云冬瓜性足而急火病及陰虛者忌食之霜降後方可食
不然令人成反胃病又差五淋患發癰劑片置瘡上分敗
熱毒

食物本草

白冬瓜經霜後皮白如粉塗人家藏蓄弥年作菜果及入
藥用味甘微寒無毒熟食之佳冷食之瘦主小腹胀利小
便止渴益氣除胸滿治發背方取冬瓜截去頭合在瘡上
良久瓜爛截去更合之瓜未盡瘡已斂小矣即用膏養之
練味甘平壓丹石毒止熱利小腸能除消渴五淋汁止煩

燥熱瓜仁味甘無毒久服寒中入茶菓中用主益除煩滿

日用本草

冬瓜初生苗漸大如斗未露色青經霜色白

建昌府志

白瓜曰水芝曰地芝即白冬瓜也

草木畧

冬瓜大如枕青白毛羨其美亦宜蜜煎

松江府志

白瓜子味甘平無毒主令人悅澤好顏色益氣不肌久服

輕身耐老主除煩滿不樂久服寒中可作面脂令面悅澤

一名水芝一名白瓜

側紋切

子嵩高平澤冬瓜仁也八月採

唐本注云經云冬瓜人也八月採之己下為冬瓜人說非

謂冬瓜別名據經及下條瓜帶平生嵩平澤此即一物

但以甘字似白字後人誤以為白也若其不字甘瓜何因

一名白瓜此即甘瓜不感且朱書論白瓜子效黑書說冬

瓜之功異條同陶為深誤按廣雅冬瓜一名地芝與甘

瓜全別黑書且附冬瓜料下瓜帶與甘瓜其條別錄云耳

瓜子主腹內結聚破潰膿血最為腸胃脾內壅要藥本草

以爲冬瓜但用蒂不云之也今腸癰湯中用之俗人或用
冬瓜之也又按諸本草云瓜子或云其瓜子今此未誤作
白字當改從瓜也今按此即冬瓜子也唐注補是其瓜子
謂其字似白字後人誤矣爲白此之所言何孟浪之甚耶
且本經云生令人悅澤別錄云可作面脂令人悅澤而又
面脂方中多用冬瓜仁不見用其瓜子按此即是冬瓜子
明矣故陶於後條主中云取核水洗燥乃搗取仁用之且
此物与其瓜全別其其瓜有青白二種子色皆黃主療与
白瓜子有益而冬瓜皮雖青經霜亦有白衣其中子白
瓜子之號因斯而得况陶隱居以別錄白冬瓜

附於白瓜子之下白瓜子更不加注足明一物而不能顯
辨爾別錄瓜字側絞切今以讀作瓜字唐注謬誤多不可
憑臣禹錫等謹按蜀本注蘇云是其瓜子也圖經云別有
胡瓜黃赤無味今據此兩說俱不憑矣本經云即冬瓜仁
也蘇注蓋以冬瓜色青乃云是其瓜者且其瓜是有青白
二種只合云白其瓜也今據本經云白瓜子即冬瓜仁無
疑也按冬瓜雖青色而其中子甚白謂如白瓜子者猶如
蟲部有白虎龍骨爲人但看骨之白而不知龍之色也若
以其瓜子爲之則其瓜青白二種其子並黃色而千金面
藥方只用冬瓜仁信蘇注爲妄圖經雖憑矣

游宦記聞云程沙隨苦血淋之疾百藥無効偶閱本草因見白冬瓜治五淋於是日煮食之至七日而愈接日用本草云冬瓜性足而急久病及陰虛之人忌食之霜降後方可食不然令人成疝胃病肥人食之令人瘦今人往往指以為補也瓜子曝乾為末治白濁白帶車用多服酒下為

良續醫說

白瓜似黃瓜而色白熟最後

建昌府志

絲瓜

絲瓜嫩小者可食老則成絲可洗鍋碗油膩種法与種葫

蘆同

便民苗纂

種絲瓜社日為上

瓊碎錄

絲瓜本草諸書無考惟豆瘡及脚癰方燒灰用之此其性
冷解毒粥鍋內煮熟姜醋食同鷄鴨猪肉炒熟食佳枯者
去皮子用瓢滌器食物

本草

絲瓜俗呼為天羅瓜

溫州府志

凡絲瓜結成三寸許以繩係瓜下石墜之其瓜峻直且長
若以苗近根處劈開指銀珠一塊以泥培之則瓜穰紅而

可愛水雪錄

絲瓜搭棚而生及老腹中有絲故曰絲瓜蒲人呼萊瓜或曰食之害眼

吳化志

按絲瓜有二種俱可食一種香軟尤可口今人多用以點茶及置肴俎中太倉志謂可用拭物者為布瓜而以今細長可食者為絲瓜別名布瓜當其嫩弱時取食既老但可拭器皿自不堪食揔是一物非別有一種也或云性寒多食能戔陽不知信不

九三

絲瓜蔓延以繩引援而生及老腹中有絲故名此瓜嫩可供茹枯則去其皮子用以滌器

邵武府志

絲瓜土人謂之紡線味甘性冷

建昌府志

絲瓜有甘苦二種甘者細長可食苦者取其穰去垢而已

松江府志

金雞瓜

金雞瓜味甘平無毒主五痔頭風小腹拘急和五臟醒酒
其木造屋則屋中酒味皆淡

食物本草

瓠

種瓠衛詩曰瓠有苦葉毛云匏謂之瓠詩義疏云匏葉少
時可以為羹又可淹煮極美故云瓠葉幡、采之享河東
及揚州常食之八月中堅彊不可食故云若菜廣志曰有
郁瓠子如牛角長四尺有約腹瓠其大數斗其腹窈窕緣
帶為口出雍縣移種子佗則否朱崖有苦菜瓠其大者受
斛餘郭子曰東吳有長柄壺樓釋名曰瓠畜皮瓠以為脯
蓄積以待冬月用也淮南萬畢術曰燒穰殺瓠物自然也
記勝之書種瓠法以三月良耕田十畝作區方深一尺以
杵築之令可居澤相去一步區種四實蚕矢一斗与土糞

合澆之水二升所乾處腹澆之者三實以馬箠散其心勿
 令蔓迺多實、細以膏薦其下無令親土多瘡癰度可作
 瓢以手摩其實從蒂至底去其毛不復長且厚八月微霜
 下收取掘地深二丈薦以藁四邊各厚一尺以實置孔中
 令底下向醵一行覆上土厚二尺二十日出黃色好破以
 為瓢其中白膚以養豬肥其辨以作燭致明一本三實一
 區十二實一畝得二千八百八十實十畝凡得五萬七千
 六百瓢瓢直十錢并直五十七萬六千文用蠶矢二百石
 牛耕功力直二萬六千文餘有五十五萬肥豬明燭利任
 外其。記勝之書區種瓢法收種子須大者若先受一斗

者得受一石受一石者得收十石先掘地作坑方圓深各三尺用蚕沙与土相和令中半若無蚕沙生牛糞亦得著坑中作躡令堅以水沃之候水盡即下瓠子十顆復以前糞覆之既生長二尺餘便摠聚十莖一處以布纏之五寸許復用泥之不過數日纏處便合為一莖留強者餘悉掐去引蔓結子、外之條亦掐去之勿令蔓延留子法初生二三子不佳去之取第四五六區留三子即足旱時須澆之坑畔周圍小渠子深四五寸以水停之令其遙潤不得坑中下水崔寔曰正月可種瓠六月可蓄瓠八月可斷瓠作蒿瓠、中白膚實以養豬致肥其辨則作燭致明家政

法曰二月可種瓜瓠齊民要術

瓠即瓠也有大腹細頸狀似葫蘆緣架而生者有小腹長頸謂之羊瓠附地而生者蒲人皆以為常食其老則去穰

為葫蘆收貯瓜菜等種吳化府志

瓠似越瓜

北人謂之越瓜

長者尺餘夏熟又一種名瓠藪夏末始實

秋中方熟經霜可取去穰為器即詩所謂壺瓠瓜也俗喚葫蘆小者為瓢按本草瓠有二種苦者入藥甜者但可供

茹邵武府志

壺蘆瓠也似瓠而圓有其苦二種其者可食苦者至秋堅實可作器記曰器用陶瓠即此埤雅壺性善浮要之可以

涉水謂之要舟古今注曰壺盧瓠之無柄者也今其形不一有圓匾如盒者有長柄如杓者有細腰如浮屠頂者有頰頰如鶴者野人剖為飲器呼鶴瓠杯
松江府志

瓠子瓠中之最長大者形如冬瓜而過之

同上

壺盧瓠也其嫩可食有苦者至秋堅實則可為器新語云

吳中二陸初入洛詣劉道真時劉在衣制中礼畢無他言

問東吳有長柄壺盧帶得未否二陸失望

蘇州府志

葫蘆二月間下種苗出移栽以糞水澆灌待苗長搭棚引

便民圖纂

詢按壺盧即瓠而便民圖纂列瓠与葫蘆為二誤也

正月中掘地作坑方四五尺深一丈實填油麻菜豆蘗及爛草等一重糞土一重草如此四五重向上一尺餘着糞土填之至二月每餘只種十餘顆子待生後採取四莖肥好者每兩莖相縛着一處仍以竹刀子刮去半邊皮以物纏住之以牛糞黃泥封之一如接對法果之相着活後各須除一頭待生做一處只留一頭又取此兩莖相着亦如前法治之半邊合之便是四莖作一莖矣待得活後惟只留一莖合者一作左者四莖合為一本縛着子待結葫蘆時只練取兩箇周正好大者餘旋除之如此旧是一斗種可容一碩也若須為器以模盛之隨人所好若依此法其

葫芦極大一箇可盛一担米居家必用

說文曰瓠一名曰壺皆瓠屬也陸農師曰頭短大腹曰瓠

細而合上曰匏以匏而肥圓者曰壺然有甘苦二種其者

供食苦惟充器耳按毛詩云匏有苦葉者苦瓠注云不材於人惟供器而

已蓋以作壺清水也又曰幡幡瓠葉采之烹之此其匏也故曰其瓠葉

之其為物也蔓生而齒辨夏熟而秋枯爾雅曰瓠棲辨齒

風曰九月斷壺亦其義也本草云味甘冷無毒利水道止

消渴惟苦者有毒不宜食凡種如瓜法蔓長則作架引之

泥勝之書曰先掘地作坑方圓深各三尺圍壘沙和土令

勻無壘沙半壘亦可看坑中足踐令堅平以水沃之水盡下子十顆

復以前糞覆之既生長二尺餘便總聚十莖一處以布纏之五寸許以泥封護俟纏處合為一莖擇大者留之余悉摘去引蔓結子、外之條亦摘去之凡留子初生二三子不佳取第四五者區留三子即足用余旋食之又四時類要云坑深四五尺坑底填油麻菜豆藪及爛草糞每一重上著糞土以子十顆種之待成揀彊者四莖每兩莖相貼纏之待其相着各除一頭又取所留兩莖如前法相貼活後惟留一頭着子則揀留兩子如此則一斗變為盛一石矣莊子魏惠王大瓠之種、實五石其亦以此法歟夫匏之為物曩然而生食之無窮最為佳蔬烹飪無不宜者種

如其法則其實斗石大之為甕盎小之為瓢杓膚瓢可以
喂猪羣辦可以灌烛咸無棄材濟世之功大矣可不知所
種哉 王氏農書

匏瓢也壺蘆瓢之無柄者也瓢有柄者懸瓢可以為筮曲
沃者尤善挹乃可用之則漆其裏瓢亦瓢也其揔瓢其別
也 古今注

瓢有圓長二種此土所產皆圓味甘又名葫蘆者不可食
瓢似越爪長者尺餘熟味甘又一種名瓢瓢夏末始實秋
中方熟經霜可取為器俗呼葫蘆小者名瓢 閩通志

匏瓢之甘者詩甘瓢漿之古者王政爪瓢果麻殖於疆場

正月可種瓠六月可畜瓠八月可斷瓠作畱詩云斷壺瓠
中白膚所謂張倉肥白如瓠者也可以飼豕致肥其辨可
作燭致明其葉又可為菜詩所謂幡幡瓠葉采之烹之是
也然与瓠不異但當以大小長短并若為間耳然古今亦
通言惠子稱魏王貽我大瓠之種世有種大瓠法鑿坎方
廣四五尺先冀其地及生擇取四本每兩本相近處各以
竹刮去半皮併而封之俟其活除去一穗又復取此兩大
本相併復去一穗自如前法蓋四本同發一穗自然易大
及着子獨畱西枚如此則一斗之種變為一名此魏惠王
大瓠法也

不雅翼

河汾之室有曲沃之懸匏焉鄒魯之珍有汶陽之孤篠焉
良工取以為笙古今注曰匏瓠也壺靈瓠之無柄者也瓠
有柄曰懸匏可為笙曲沃者尤善秋乃可用則漆其裏
匏在八音之一匏既為樂器又以為飲器詩酌之用匏詩
稱匏有苦葉濟有深涉說者徒以為苦葉之生乃濟深之
候按叔嚮稱苦匏有苦葉濟有深涉說者徒以為苦葉之
生乃濟深之候按叔嚮稱苦匏不材於人共濟而已注佩匏
可以度
水魯叔孫賦匏有苦葉必將涉矣是苦匏可剗以涉水鵲
冠子曰賤生於無所用中流失船一壺千金壺即匏也其
性浮得之可以免沉溺故當失般之時其直千金也同上

似匏而圓曰壺、還器也故謂之壺亦曰壺盧古今注曰
壺盧瓢之無柄者也壺性善浮要之可以涉水南人謂之
要舟鵲冠子曰中流失船一壺千金以此故也詩曰八月
斷壺、性蔓生枝蔓斬之故曰斷也金其收法八月冷露
降輒先斷其根令其餘蔓飲之已日乃收尤為堅成可用
莊子曰今子有五石之瓠何不慮以為大樽而浮乎江湖
壺之為樽其來尚矣春秋傳曰樽以魯虛壺司尊彝曰秋
嘗冬燕裸用斚彝黃彝其朝獻用兩箸尊其饋獻用兩壺
尊者皆以質為貴者

哩雅

瓠狀要類於首尾類於要微斚緣蔓而生詩曰南有喬木

耳瓠累之又曰瓠。瓠葉采之烹之瓠葉庶人之菜也。菜
無微於瓠葉故詩以著古人不以微薄廢礼如此爾雅曰
瓠棲辨詩曰齒如瓠犀。辨也相法齒辨白如瓠犀青如
榴子者貴風俗通曰八月秋穰可以殺瓠取其色澤而豎
類徒以爲瓠死燒穰瓜士煮漆即此今俗畜瓠之家不燒
穰種瓜之家不焚漆物類相感志曰牛踏蔓上則苦菜者
以瓠盛酒冬即煖夏即冷

上

長而瘦上曰瓠短頸大腹曰匏傳曰匏謂之瓠誤矣蓋瓠
苦瓠甘復有長短之殊定非一物也子曰吾豈匏瓜也哉
爲能像而不食係而不食以苦故也詩曰匏有苦葉濟有

深涉匏濟記時也言匏有苦葉則濟有深涉矣匏亦正以
濟水叔向曰吾匏不材於人共濟而已詩曰酌之用匏言
其質也如特牲曰噐用陶匏以象天地之性古今注曰匏
之有柄者曰懸匏可用為筮用則漆其衷同上

匏長而庾曰匏短項大腹曰匏俱有甘苦、者可蓄涉水
苦匏味苦寒有毒主大小面目四肢浮腫下水令人吐
生晉地川澤陶隱居云匏與瓜冬氣類同輩而有上下之
殊當是為其苦爾今匏自忽有若者如膽不可食非別生
一種也又有瓢音亦是匏類小者名瓢食之乃勝瓢此
等皆利水道所在夏月食之大理不及冬瓜也唐本注云

瓠與冬瓜瓠瓢全非數例今此論性都是苦瓠瓢爾陶謂
瓠中苦者大誤矣瓠中苦者不入藥用冬冬自依前說瓠
瓢與瓠又須辨之此三物苗葉相似而實形有異瓠味皆
甜時有苦者面似越瓜長者尺餘頭尾相似其瓠瓢形狀
大小非一瓠夏中便熟秋末並枯瓠瓢夏末始實秋中方
熟取其為器經霜乃堪瓠與甜瓠瓢體性相類但味其冷
通利水道止渴消熱無毒多食令人吐苦瓠瓢為療一如
經說然瓠苦者不堪噉無所主療不入方用而耳瓠數與
瓠子噉之俱勝冬瓜陶言不及乃是未悉此等元宵各別
非甘者變而為苦也

瓠子苦者氣寒有毒主大水面目四肢浮腫下水令人吐
甜者性冷無毒又云微毒除煩止渴治心熱利水道調心
肺治石淋吐蛔蟲壓丹石若患腳氣虛脹冷氣人食之病
增此物夏熟形長尺餘兩頭相似者是也

食物本草

葫蘆夏秋間熟形圓而匾性味与瓠子相對

食物本草

瓠四月熟至六月不食

山陰志

瓠子似越瓜長尺餘苗葉相似實形有異味甘寒有毒多
食發痼疾脚氣患虛脹冷氣人忌食今瓠忽有如膽苦者
不可食主大水面目四肢浮腫食之令人吐利

日用本草

瓠子形圓而匾者夏熟形長似葫蘆者近秋方熟小而柄

長者名瓢性味則一味甘性冷無毒主除煩止渴去心熱
利小便潤心肺下水腫石淋脚氣諸風冷氣並忌房室蒜
鮑等

日用本草

瓢詩云瓢犀爾雅云棲辦注瓢中辦也味甘間有苦者又
一種名瓢所謂瓜瓢之瓢即今葫蘆唐盧謹嘗燕以召客
東坡詩云爛蒸鵝鴨乃瓢壺

毘陵志

壺盧似瓢而圓有二種其者可食苦者可器用記曰器用
陶匏即此埤雅曰壺性善浮故曰中流矢般一壺千金謂
之要舟

建昌府志

瓢長而瘦一種短莖大腹蓋瓢也

同上

爾雅曰鮑棲辦注鮑中辦也詩云齒如鮑棲疏曰辦鮑中辦也一名鮑棲令人齒美者似之詩謂風碩人美莊姜云齒如鮑棲是也今詩文作犀士洵按今鮑色白棲於爪中桃比整齊人之齒如之其美可知今文作犀豈如棲字之妙也况郭氏當時去古未遠乎

毛詩傳鮑謂之鮑、葉不可食也疏正義曰陸機云鮑葉少時可為羹又可淹煮極美故詩曰幡幡葉采之烹之今河南及揚州人恒食之八月中堅強不可食故云苦葉鮑鮑一也故云謂之鮑言葉苦不可食似礼禁不可越也外傳魯語曰諸侯伐秦及涇不濟叔向見叔孫穆子曰

豹之業及匏有苦葉矣叔向曰苦葉不材於人供濟而已
韋昭注云不材於人言不可食供濟而已佩匏可以渡水
也彼云取匏供濟与此傳不同者賦詩斷章也

詩八月斷壺長樂劉氏曰壺枯者可爲壺嫩者可供茹八
月宜斷其稍令勿復花實所以堅其壺而大其茹今民尚

爾
呂氏讀詩記

蔬部第二

松菜 烏松 夏菰 臨菜

藏菜

生菜

塌科菜

羊角菜

猴菜

銀條菜

油菜

龐菜

芥菜

芥藍

芸薹菜

甜菜

臭菜

香菜

白花菜

冬葵 落葵 龍葵

菠薐菜

莧菜

馬薺 莧附

菰菜

即今蘇城箭幹菜

菰菜潤葉性耐霜雪如松故名菰也其初生者夏菰不甚大冬月幹似箭長尺餘味脆而腴吳邑志

菰性凌冬不凋四時長見有菰之操故其字會意而本草以爲交耐霜雪也旧說菰菜北種初年半爲蕪菁二年菰種都絕蕪菁南種亦然蓋菰之不生北土雖摘抽之變於雜北矣蕪菁似菰而小有臺一名須爾雅曰須蓴蕪也今俗謂之臺菜方言曰陳楚之間謂之豐趙魏之郊謂之大芥其紫華者謂之蘆蕪一名來服所謂溫菰是也來服言來菰之所服也

埤雅

菰菜即唐人所謂闊葉烏菰埤雅所謂凌寒不凋有松之操而本草以為耐霜雪者旧說菰菜北種初年半為蕪菁二年菰種都絕蕪菁南種亦然吳人謂初生者為夏菰

江府志

菰菜北方種之初年半為蕪菁二年菰種都絕蕪菁南方種之亦然而菰之不生北土猶橘之變於淮北也此說見蘇州志按菰菜即白菜今京師每秋末比屋醃藏以禦冬其名箭幹者不亞蘇州所產聞之老者云求樂間南方花木蔬菜種之皆不發生此者亦不近盛來南方蔬菜無一不有非復昔時矣橘不踰淮貉不踰汶鴟鵂不踰濟此成

說也今吳菰之盛生于燕不復變而為菁豈在昔未得種
藝之法而今得之聊抑亦氣運之變物類隨之而美即將
非橘柚之可北耶菰園雜記

菰菜唐人有云閬苑吳菰巨根蜀菰吳郡志

埤雅云菰性凌寒不凋四時常有菰之操故其字會意
而本草以為耐霜雪也旧說菰菜北種初年半為蕪菁二
年菰種都絕蕪菁南種亦然蓋菰之不生北土猶橘柚之
變於淮北也昔人有言春初早韭秋末晚菰今吳人謂其
初生者夏菰不堪火而晚者為藏菜冬月幹似筍長尺
餘味脆而腴鹽藏為御冬之旨北屋皆然蘇州府志

菰菜末晚菰菜之美者也白根青葉高二尺許配鹽畜之
可以禦冬又有冬種而春茂者名藎心其葉亦高一二尺
肥大可茹差小者名白菜又有夏菰菜之小者土人避都
統夏菰諱呼為蔓菁然蔓菁與菰本皆一類按周礼菁藟
注蔓菁也詩采葍箋云蔓菁之類陸機云葍藟菁也郭璞
云菰菜也江南有菰江北有蔓菁相似而異耳尔雅翼云
蔓菁春食苗夏食秋冬食根此正謂江北之所產也張文
潛詩云藟菁至南多變菰是也吕氏春秋菜之美者貝區
之菁此地与貝區相迎則菜之美有自来矣

鎮江府志

菰与藟菁相類梗長而葉不光者為藟菁梗短葉闊厚而

肥者為菰周顒所謂秋末晚菰是也張九齡自函京携種
歸曲江種之閩中呼為張相菰曾師建記謂北地無菰南
地無蕪青體性相似而形狀不同地土然也

八閩通志

菰味甘溫無毒主通利腸胃除胃中煩解酒渴陶隱居云
菜中有菰最為常食性和利人無餘逆忤今人多食如似
小冷而又耐霜雪其子可作油傳頭長髮塗刀劔令不蝕
音秀其有數種猶是一類正其美與不美爾服藥有甘草
而食菰即令病不除唐本注云菰菜不生比土有人將子
北種初一年半為蕪菁二年菰種都絕將蕪菁子南種亦
二年都變土地所以頭有此例其子亦隨色變但麤細無

異爾菰子黑蔓菁子紫赤大小相似推盧菰子黃赤色大類倍復不圓也其菰有三種有牛肚菰葉最大原味甘紫菰葉薄細味少若白菰似蔓菁也臣禹錫等謹按陳藏器云去魚腥動氣發病薑能制其毒葉大多毛者是

圖經云菰舊不載所出州土今南北皆有之與蕪菁相類梗長葉不光者為蕪菁梗知葉闊厚而肥痺者為菰旧說菰不生北土人有將子北土種之初一年半為蕪菁二菰種都絕有南人之種蕪菁而今京都種菰都類南種但肥厚差不及耳揚州以種菰葉圓而大或若蓮噉之無滓絕勝他土者此所謂白菰也又有牛肚菰葉最大厚味其疑

今揚州菰近之紫菰葉薄細味小苦北土無有菰北蕪菁
有小毒不宜多食然能殺魚腥最相宜也多食過度惟生
姜可解其性

大菰近城十月出極大而美中塩薑梁太子有謝勅賚大

菰記

金陵新志

菰菜味甘溫無毒利腸胃除煩解酒渴去魚腥消食下氣
治瘴止熱嗽胸膈悶不益人食之竟冷姜能制之一云夏
至前食發皮膚風痒動氣發病紫花菰竹風氣去邪熱花
糟食甚美服甘草勿食令病不愈北人住南患足疾者勿
食牛肚菰最厚味甘紫菰葉薄細味少苦白菰似蔓菁猶

一類也北地無菰有種者形亦變

食物本草

菰萊夏月有之名夏菰夏至節前即發氣動疾病發脚氣服藥有甘草忌食之味甘溫無毒菜中有菰最為常食性利人主通利腸胃除胃中煩熱解酒渴消食下氣冬月作蘆菰汁辟瘴氣止熱咳嗽

日用本草

菰旧志引曾師建記云菰与蔓菁性相似形狀不同今按菰与芥相類叢生菰梗生菰梗長四五寸就上發葉似芥加深綠耳菰本南方菜今莆中少

吳化府志

菰多種四時皆有冬初其本尤壯可作蘆周顒所謂秋末晚菰是也

昆陵志

菰土有二種一名大荷菰一名皺眉菰建昌府志

烏菰菜

烏菰菜暮春茂盛根盤尺餘華幹簇闊長尺有半吳人多
煮噉為乾蔬不堪毛羹也蘇州府志

烏菰菜八月下種九月下旬治畦分栽便民圖纂

烏菰菜春末最盛根盤尺餘葉摺蹙而幹簇闊宜煮暴為
乾蔬不堪毛羹也一種色淡者曰青菰松江府志

夏菘菜

夏菘菜五月上旬撒子糞水頻澆密則茂之

便民圖纂

通菜

通菜亦菘菜之別品冬月有之春初吐苗盈尺謂之葦心
其嫩可肥荀葦菜之美者也

姑蘇志

歲菜 白菜附

歲菜出郡城肥白而長名箭幹菜冬月醃歲以備歲故名
吳邑志

歲菜七月下種寒露前後治畦分栽時用水澆之待活
以清糞水頻澆遇西風及九焦日則不可澆便民圖纂

青菜種田畦間宜莠白菜有水白箭幹白數種惟箭幹白
經霜可茹九江府志

白菜本出北地近有亦之八閩通志

白菜八月下子九月治畦分栽糞水頻澆便民圖纂

白菜葉如油菜而葉之幹色白亦菜之嘉品也邵武府志

白菜有二種根大而莖短名蓮花白根圓而長名箭幹白

建昌府志

白菜其形類菰莖闊而短正月中下子謂之肴燈菜七八月下子分種至冬而盛謂之冬旺菜別種莖似箭幹曰箭幹菜並鹽藏備歲冬初分種至春生莖擷食旁復生苗作花夏初取其子壓油謂之油菜冬月畦圃間塌地而生曰盤科菜烹毛尤佳

松江府志

生菜

生菜八月漫撒種待長治畦分栽糞水頻便民圖纂

生菜種之不必拘時終盡即下種亦便出諺云生菜不離

園以不時而出也瑣碎錄

生菜有二種葉多者謂之盤生脆嫩可食故名鎮江府志

生菜叢生如封細切加熟油生食因名松江府志

塌科菜按松江府志即白菜

塌科菜冬月烹毛最佳姑蘇志

羊角菜

羊角菜形如羊角

姑蘇志

猴菜

猴菜：根如猴形如晉州彼土人亦甚珍之

銀條菜

銀條菜出寧波

四明郡志

油菜

按松江府志即白菜

油菜味甘主滑胃通結氣利大小便冬種春長形色俱似
白菜根微紫抽嫩心開黃花取其莖為菜茹甚佳子枯取
以榨油味如麻油但畧黃耳一種黃瓜菜形似油菜但味
少苦野主平澤中取為羹茹亦甚香美

食物本草

子菜以其子可榨油故名冬種春成開黃花每遇氣和日
煖尽抽心折取中心如活芥藍菜法食之其味最豐其旁
心結子榨油

吳化府志

九月種油菜宜肥地種之以水頻澆灌十月種則無根脚
十一月鋤油菜鋤淨加糞壅其根此月不培壅來年其菜
不茂

農桑撮要

油菜葉如白菜青色根微紫子可壓油

閩通志

油菜冬種春初生莖可食至四月取其子壓油姑蘇志

油菜八月下種九十月治畦以石杵舂穴分栽用土壓其根糞水澆之若冰凍不可澆至二月間削菜淨澆不壓頻則茂盛莖長摘去中心則四面叢生子多便民圖纂

油菜遇菜心長時取而烹之味甚美且使菜幹叢生結子自倍芥菜春菜則不可摘之不长此其異也凡種油菜先於八九月中下種俟收穫已畢然後鋤田成畦以石杵打潭用糞泥鋪底種菜于中必三四株俟活又用糞澆開春臨花又澆二三次則結子倍多菜根須用泥壓則不生草諺有菜八工說言其難也將括時一頓收起打子碾油

以爲一季之用吳下高田收稻訖便種麥与菜二色其低窪者則不能矣農家無一息之停其勞苦湏身親自擊始知之耳

允堂

油菜形色俱如白菜根微紫冬種春長遇日煖氣和尺抽嫩心開黃花折取中心爲菜茹食之甚美其旁心結子可榨油因名油菜

邵武府志

芥菜

芥菜似菰而有毛其子如粟粒三月間莖長尺餘幹大如指亦可醃藏又一種名黃農芥矮小味極佳姑蘇志

芥菜八月下種九月治畦分栽糞水頻灌便民圖纂

將陳芥菜子淘淨研之入醋共研用麻布絞乾瀝去粗置壺中冷水浸久之取出澆粉并浸藏菜勝蒜菜多人亦矣

名三

芥辣自古用之記見芥醬必知獻魚膾是也霏雪錄

芥菜季春則長莖心長尺餘大如指吳人皆醃藏餅甕中夏秋方食又有黃農芥矮小而味極辛辣蘇州府志

芥菜徒芥取其氣之辛辣而有剛介之性故曰介古人所
謂萊重芥薑者其以是欤為種不一葉似菰而有毛味極
辣者青芥也莖葉俱紫為紫芥作齏食之美又有白芥子
粗大於他芥色白如梁米味極辛美宜入藥利九竅明耳
目通中芥極多心芥之嫩者為芥藍極脆東坡云芥藍如
菹韮脆美雅頗饗薑薑介不甚香經冬根不死患腰脚疾
者不宜食此他芥不為甚佳齊民要術云七月半種之地
欲糞熟与燕膏同畝用子一升既生亦不鋤之十月收燕
菁訖收蜀芥又云種芥子及蜀芥取子者皆二月好雨澤
時種二物性不耐寒經冬則死故須春種之五月熟而收

子今江南農家所種如種葵法俟成苗必移栽之

早者七月半後種遲

者八月種厚加倍壅草即鋤之早即灌之冬芥經春長心

中志誠淡二種

亦任為

揚誠三詩云蠅眼嫩湯微熟了搗兒新酒未醒初

此言藝芥之美也如即收子者即不摘心蓋南北寒煖異

宜故種畧不同而其用則一夫芥之為物心多而耐久味

辣而性溫可搗取汁以供庖饌尤烈、可愛是以解沉酣

消煩滯亦蔬茹中之芥然者是宜受辛於莖白而見娟於

盤餐也可不種哉

王氏農書

芸薹芥子種同蜀芥每畝用子四升足霜始收辛不其香

經之冬以草覆之不死至春復可供食性涼破血先患腰

脚者不宜多食然其子入藥功用頗多亦不可闕也

芥有青紫二種按方言即蕪菁

鎮江府志

芥味辛辣歸鼻其品不一青芥似菰而有毛紫芥莖葉通紫作蘼最美白芥子蠶大色白如梁米可入藥南芥花芥石芥已上皆菜之美者也

八閩通志

芥似菰而有毛味極辛辣其數甚多似菰者名青芥有紫芥莖葉皆紫作蘼食之最美有白芥子蠶大色白如梁米舊云從西域來謂之白胡芥其餘南芥旋芥花芥石芥皆菜茹之美者千文云菜重芥薑大抵南土多芥嶺表錄異曰廣州地熱種麥則苗而不實北人將蔓菁子就彼種者

出土即變為芥嶺南異物志曰南土芥高者五六尺子如
鷄卵廣州人以巨芥為鹹菹埋地中有三十年者貴尚親
賓以相餉遺

尔雅翼

芥似菰而有毛其子如粟方言白蘇芥草也江淮南楚之
間曰蘇自閩而西域曰芥孟子曰君之視臣如土芥辛
菜也今人望梅生津食芥墮淚此五液之自外至也慕而
延垂愧而汗發此五液之自內至也化書曰琥珀不能呼
腐芥蓋芥腐矣雖琥珀不能呼也故同氣相求本草經曰
尋萬物之性皆有離合虎嘯風生龍吟雲起磁石引針琥
珀拾芥漆得蠟而散麻得漆而湧桂得葱而軟櫚得桂而

枯戎鹽累卵獺膽分孟其氣爽有相關感多如此類其理
不可得而思也理雅

亦有紫白二種紫者若以糞沃遂變白矣須肥地種之不
同糞澆乃得本色

芥味辛溫無毒歸鼻主除腎邪氣利竅明耳目安中久食
溫中陶隱居云似菰而有毛味辣好作菹亦生食其子可
藏冬瓜又有葭暗以作菹甚辣快唐本注云此芥有三種
葉大蠶者堪食之入藥用熨惡注至良葉小子細者葉不
堪食其子但堪為鹽漬又有白芥子蠶大白色如梁米甚
辛美從戎中來別錄云子主射工及疰氣發無常處丸服

之或持為末醋和塗之隋手有驗臣禹錫等謹按蜀本圖
經云一種葉大子白且簷名曰胡芥敢之及藥用最佳而
人間未多用之孟詵云芥煮食之亦動氣生食發丹石不
可多食石華子云除邪氣止欬嗽止氣冷氣疾子治風毒
腫及麻痺醋研傳之撲損瘀血腰痛腎冷和生薑研微暖
塗貼心痛酒醋服之

圖經曰舊不著所出州土今處、有之似菰而毛味極辛
辣此所謂青芥也芥之種亦多有紫芥莖葉純紫多作蘼
者食之最美有白芥子簷大色白如梁米此入藥者最佳
云從西戎來又云生河東今近處亦有其餘南芥旋芥花

芥石芥之類皆菜茹之美者非藥品所須不復悉錄大抵
南上多芥亦如菰類相傳嶺南無蕪菁有人攜種至彼種
之皆變作芥言地氣暖使然耳

芥菜味辛氣溫無毒歸鼻除腎邪利九竅明耳目安中除
邪氣止咳嗽冷氣去頭面風多食動風氣發丹石不可同
兔肉食性生惡瘡同鯽魚食發水腫子主傳射工及疰氣
發汗胸膈痰冷面黃又和藥為膏治骨節痛丹溪云痰在
皮裏膜外此不能達又遊腫諸毒為末猪膽和如泥傳之
但其類多青芥葉龐大味辣好紫芥作齏佳曰芥尤辛美
俱入藥出太原

食物本草

芥菜似菘而有毛極辛味辣名青芥莖葉純紫名紫芥多
作齏食之粗大色如白梁米甚辛美名白芥入藥最佳花
芥石芥皆菜品之美者

日用本草

辣芥子味辛無毒凡食之不可無醋治風濕麻痺撲損瘀
血腰痛醋研傳止鼻衄貼頂心

日用本草

芥甫芥為種不一青芥有二種有逐月摘棄者有只摘一
次及至冬連叢割之者又有春不老於柔芥割後始種食
至明年夏而始割之者白芥有三種味最甘脆其別為箭
幹菜味與白芥同又一種為紫芥惟最辣其子持爛和沒
藥乳香羌活為膏可治骨節痛其為芥辣以和食品

吳化府志

純白齋

白芥味辛溫無毒主冷氣色白甚辛美從西戎來子主射
工及症氣上氣發汗胃膈痰冷面黃生河東今附呂禹錫
寺謹按陳藏器云白生太原如芥而葉白為茹食之甚美
日華子云白芥能安五藏功用藥與芥頗同子燒及服可
辟邪魅

芥菜色青味辣子燒及服可辟邪魅

芥菜色青味辣子可為芥末又有卷芥

九江府志

芥菜味辛辣歸鼻有紫芥黃芥蒼芥三種皆菜品之佳者

而紫者尤佳

邵武府志

芥有紫芥黃芥惟薑心最辛脆又有芥苗東坡詩云蘆服

生兒芥有孫

毘陵志

芥菜葉似烏菰而有毛味辛辣冬種至春三月生莖亦可
鹽藏其子極細研為膏螫舌苦辛即古人所謂芥醬又一
種矮小曰黃農芥味尤香美

松江府志

紫花芥種出都城好生庭砌甃石間秋初葉如錢而大其
莖可食宿根至春開紫紅花半莖可愛入夏不斷著莢可
三寸許子黑而長近歲吾鄉始有之

同上

蜀芥芸薹取葉者皆七月半種地欲熟熟蜀芥一畝用子
一升芸薹一畝用子四升種法與蕪菁同既生亦不鋤之
十月收蕪菁訖時收蜀芥中為鹹淡二道亦任為乾菜芸

臺豆霜即蒔種芥子及蜀芥芸臺取之者皆二三月好雨
澤時種三物性不耐寒經冬則死故須春種早則畦種水
澆五月熟而收子芸臺冬天草覆亦得取子又得生茹供
食崔寔曰六月大暑中伏後可收芥子七月八月可種芥
各民要術

芥藍

此菜亦芥屬其翠如藍故名芥藍按月割之旁復叢生食
先用滾湯淪過旋以冷水澆之乃取鼓汁香油好酒并鹽
抄和之其味甚豐或取其莖并葉淹之亦香脆可食蜀中
有萬年青與此極相類但此一年一種萬年青累歲不易
科味稍若耳

吳化府志

芥藍葉藍而厚青碧色亦菜之美者莖心尤佳

八閩通志

藍菜務本新書云二月畦種苗高剥葉食之剥而復生刀
割則不長加火煮之以水淘浸或抄燼或拌食或包餃餠
或捲餅生食頗有辛味五月園枯此菜獨茂故曰主園菜

至冬月以草覆其根四月中結子可收作末紫根又生葉

可食一年陝西多食此菜

王氏農書

芥藍葉厚如茗蓬色穠翠如藍味極腴美出北地者根大如芋可入醬食閩中食亦有之近歲閩人携其子藝之學

圃遂傳郡中

清松江府志

芸薹

芸薹味辛溫無毒主風游丹腫乳癰唐本注云別錄云春食之能發膝痼疾此人間所噉菜也今按別本注云破癥瘕結血今俗方病人得喫芸薹是宜血病也又按陳藏器本草芸薹破血產婦食之子壓取油傳頭令頭髮長黑又煮食主腰脚痺掣葉傳赤遊癰久食弱陽

衍義曰芸薹不甚香經冬根不死辟蠱於諸菜中亦不甚佳

芸薹味辛溫無毒主風游丹腫乳癰煮食主腰脚痺破癥瘕結血多食損陽氣發瘡口齒痛又生腹中諸蟲

食物本草

芸臺味辛溫無毒春食發痼疾道家特忌患腰不可多食
損陽氣發瘡口齒痛胡臭人不可食又能生腹中諸虫主
風游丹腫乳癰產後血氣瘀血腰痛

日用本草

芸臺亦作雲臺爾雅云臺夫須

草木畧

甜菜 即君達

君達作畦下種如蘿蔔法春二月種之夏四月移栽園枯則食如欲出子留食不尽者地凍時出於煖曬收蔵来年春透可栽收種或作蔬或作羹或作菜乾無不可也 王氏農書

十月種君達菜此月地將凍且於煖處蔵害来春可栽收種農桑輯要甜菜即君達八月下種十月治畦分栽頻用糞水

澆之 便民圖纂

陶隱居云即今以作鮓蒸者蒸作甜音亦作忝時行熱病初得便持汁皆飲得除差唐本注云此菜似升麻苗南人蒸音食之大香美陳蔵器云收取子以醋浸之搯面令

潤澤有光臣禹錫等謹按蜀本圖經云高三四尺莖若蒟
藿有細稜夏盛冬枯陳士良云芥菜葉似紫菊而大花白
食之宜婦人

證類本草

莖灰淋汁洗衣白如玉色

八閩通志

菜味其苦大寒主時行壯熱解風熱毒陶隱居云即今
以作鮓蒸者菜作甜音亦作忝時行熱病初得便搗汁皆
欲得除差唐本注云此菜似升麻油南人蒸食之音大
香味美臣禹錫等謹按蜀本圖經云高三四尺莖若蒟藿
有細稜夏盛冬枯孟詵云菹菜又搗汁與時疾人服差子
煮半生搗取汁含治小兒熱陳士良云菹菜葉似紫菊而

而大卷白食之宜婦人

甜菜葉厚而圓滑春初摘其葉食之復生後摘至四月葉皮内生小青虫則不可食本草有恭菜恭音自是一種太

倉州志

甜菜有冬夏二種

山陰志

君蓬葉微厚而滑味甘可美又名甜菜建昌府志

甜菜北人謂之君蓬葉厚莖短冬種至春三月收煮果為乾蔬相傳有毒又曰過清明節則有虫生葉之謨間驗之果信

松江府志

洵按甜菜即係君蓬本草出恭菜君蓬二條既誤而太

倉州志附會乃云別是一種非顧公之言予說始妄矣
蒼蓬平微毒補中下氣理脾胃去頭風利五歲冷氣不可
多食動氣先患腹冷食必破腹莖灰淋汁洗衣白如玉色
蒼蓬味平無毒補中下氣理脾胃去頭風利五歲冷氣多
食則動風先患腹冷人食之破腹莖淋汁洗衣白玉如色
食物本草

蒼蓬味甘平滑微毒多食動氣先患腹冷食必破腹莖燒
灰淋汁洗衣白如玉色主補中下氣理脾胃去頭風利五
歲

日用本草

雍菜

雍菜味甘平無毒主解野葛毒煮食之亦生搗服之嶺南種之蔓生花白堪為菜云南人先食雍菜後食野葛二物相服自然無苦又取汁滴野葛苗當時菸死其相殺如此張司空云魏武帝噉野葛至一尺應是先食此菜也

證類本草

野葛苗當時萎死

日用本草

雍菜傳本而生不結子趣立閑覽云此菜來自東夷古倫國以雍盛之譯不通但言雍菜按本草作雍菜又是因地

而得人也甫人種之廣有陸生者有水生者蔓陸生或蔓或不蔓食以陸生者為勝吳化府志

雍菜葉如落葵而小性冷味甘南人編簞茂作小孔浮於水上種子於水中則如萍根浮水面及長莖葉皆出於簞茂孔中隨水上下南方之奇蔬也治葛有大毒以雍汁滴其苗當時萎死世傳魏武能噉治葛至一尺云先食此菜南方草木狀

雍菜味甘平無毒蔓生花白摘其苗以土壅之即活与野葛相伏取汁滴野葛即死張司空云魏武帝噉野葛至尺許應是先食此菜無害也一名雍菜

食物本草雷陽志瓊州志俱作蒔菜

菴菜莖蔓生中虛葉如蒼耳南京有之洗淨用油水綽過
作菹香其滑脆可口亦可糟食菜中之佳品也此種魏國
家栽之覓利甚多一本作種值銀五六錢蓋亦難種易生
之物

雍菜葉如柳三月生陳藏器云主解胡蔓草毒胡蔓即野

葛也愚按廣之菜有棹

辛葉也

東風

味如酪香

氣似菴

音戢蜀人謂菹香 筠

音菴菴後苗也

之類無足奇者吳志孫皓時有賈菜

音買

晉安帝義

熙二年有苦賈菜生揚州國初建達國獻佛土菜泥婆國

獻波稜菜

北戶錄

雍菜蔓生花白莖中虛摘其苗以土壅之輒活一名甕菜

純白齋

八閩通志

空菜莖空而蔓且近水

建昌府志

雍菜主解野葛毒南人先食雍菜後食野葛自然無苦又取汁滴野葛苗當時菸死張司空云魏武帝噉野葛至一

赤是先食此也

草木畧

廣州記云雍菜生水中可以為菹也

齊要民術

臭菜

臭菜味酢而滑生水浸濕地去皮膚風熱莖大如箸赤節
一葉作柳侶葉厚而長有毛刺可為羹茹生又可生食
食物本草

白花菜

白花菜味甘氣臭性寒生食苦淹以為菹動風氣下氣滯
臟腑多食令人胃悶滿傷脾一種黃花菜同此類食物本草

香菜

香菜味辛平無毒乃世之菜品飲食所需使人口爽合諸菜氣香主辟飛尸鬼疰蠱毒發脚氣

日用本草

三月種香菜宜近水肥地種之每窠根邊用燂過菜豆壳壅之或用麻灰糞牛羊踏過燂草壅其周圍則易長大有草宜頻鋤之旱則以水澆灌人家園邊水側皆可種忽值飢年可作糧食用神隱事類全書云香味常以洗魚水澆之則香而茂溝泥水米泔亦佳夏秋採菜可作菜食或切菜以芼諸菜或於素食麵粉之類皆可覆食以鋤香味也

王氏農書

香菜似薄荷土人以菜配黃瓜食之

鎮江府志

香菜與土龍腦不得用糞澆則不香只以米泔水灌泥

水澆之佳

瑣碎錄

香菜有細大二種而細者尤香

太倉州志

冬葵菜

種葵廣雅曰薊丘葵也廣志曰胡葵其花紫赤博物志曰人食落葵為狗所齧作瘡則不差或至元案今世葵有紫莖白莖二種：別復有大小之殊又有鴨腳葵也臨種時必燥曝葵子、雖經歲不絕然濕種者疥而不肥也地不厭良故壠弥善薄即糞之不宜妄種春必畦種水澆春多風旱非畦不得且畦者省地而菜多一畦供一口畦長兩步廣一步大則水難均又不用人足入深掘以熟糞對半和土覆其上令厚一寸鐵齒把耨之令熟足踏使堅平下水令徹澤水盡下葵子又以熟糞和土覆其上令厚一寸

餘葵生三葉然後澆之晨夕日中便止每一插輒把耒地
全起下水加糞三插更種一歲之中凡得三輩凡畦種之
物治畦皆如種葵法不復條列煩文早種者必秋耕十月
末地將凍散子旁之一畝三升正月末散子亦得人足踐
踏之乃佳踐者菜肥地釋即生鋤不馱數五月初更種之
春者既老秋菜未生故種此相接六月一日種白莖秋葵
白莖者宜乾菜莖者乾即黑而澁秋葵堪食仍留五月種
者取子春葵子熱不均故須留中輩於此時附地剪却春
葵冷根上耕生者柔輒至好仍供常食美於秋菜注留之
亦中為撈族插秋菜必留五六葉不插則整孤留葉多則

科大凡指必待露解諺曰觸露不指葵日中不剪韭八月
半剪去留其岐、多者則去地一二寸獨莖者亦可去地
四五寸耕生肥嫩比至收時高與人膝等莖葉皆美科雖
不高葉實倍多其不剪早生者雖高數尺柯葉堅硬全不
中食所可用者唯有菜心附葉黃澁至惡煮亦不美香雖
似多其實倍少收待霜霽傷早黃爛傷晚黑澁撈簇皆須
陰中見日亦澁其碎者割訖即地中尋手紉之待萎而紉
者必爛冬又種葵法近州郡都邑有市之處負郭良田三
十畝九月收菜後即耕至十月半令得其三遍每耕即勞
以鐵齒把耨去陳根使地極熟令如麻地於中遂長穿井

十口井必相當邪角則勞地、形狹長者井必作一行地
行正方者作兩三行亦不嫌也井別作桔槔輶轡井深用
輶轡井淺用桔槔柳罐今受一石罐小用則功費十月末
地將凍漫散子唯概為佳畝用子六升散訖即再勞有雪
勿令從風飛去勞雪令地業又不垂每雪輶一勞之若竟
冬無雪鴈月中汲井水普澆悉令徹澤有雪則不澆正月
地釋區羊踏破地皮不踏即括涸皮破即膏潤春暖草生
葵亦俱生三月初葉大如錢逐概處拔大者賣生十手拔
乃禁取兒女子七歲已上皆得充事也一升葵還得一升
米日、常拔看稀稠得所乃止有草拔却不得用鋤一畝

得糞三載合收米九十車、准二十斛為米一千八百石
自四月八日以後日、翦賣其剪處尋以手拌斫斷地冷
起水澆糞覆之四月亢旱不澆則不長有雨則不須四月
已前雖旱亦不須澆地實保澤雪勢未盡故也比及遍初
者還復周而復始日、無窮至八月社日止留作秋菜九
月指地賣兩畝得絹一疋收訖即急耕依去年法勝作十
頃穀田止須一乘車牛專供此園耕勞輦糞賣菜終歲不
閑若糞不可得者五六月中概種菽豆至七月八月犁掩
殺之如以糞、田則良美與糞不殊又省功力其井間之
田犂不及者可作畦以種香菜崔寔曰正月可種瓜瓠葵

芥薺大小葱蘇苜蓿及雜蒜亦可種此二物皆不如秋六月六日可種葵中伏後可種冬葵九月作葵菹乾葵家正法曰正月種葵齊民要術

園經曰冬葵子生少室中山今處有之其子是秋種葵覆養經冬至春作子者謂之冬葵古方入藥用最多苗葉作菜茹更甘美大抵性滑利能宣導積壅服丹石人尤相宜煮汁單飲亦佳仍利小腸孕婦臨產煮葉食之則胎滑易產暴乾葉及燒灰同作末主金瘡根主惡瘡小兒吞錢煮汁飲之立出凡葵有數種有蜀葵尔雅所謂葍戎葵者是也郭璞云似葵花如槿花戎葵蓋其所自出因以名之

花有五色小花者名錦葵白者主痰瘡及邪熱陰乾末服之午日取花按手亦去瘡黃者主瘡癰乾末水調塗之立愈小花者名錦葵功力更強黃葵子主淋瀝又令婦女易產又有終葵大莖小葉紫黃色吳人呼為紫露即下品落葵尔雅所謂終葵繁露者是也一名豕露俗呼曰胡燕脂子可婦人塗面及作口脂又有莧葵似葵而葉小狀若藜有毛洵而啖之甚滑尔雅所謂葦莧葵是也亦名矢葵亦主淋瀝熱結皆有功效故并載之日華子曰冬葵久服堅筋骨秋葵即是種早者俗呼為葵菜

葵說文曰菜也有紫莖白莖二種葉之小者為鴨腳葵種

出少室山中今南北皆有之又一種花有五色者名蜀葵

不可食尔雅所謂蒔_{音莢}葵是也按葵為百菜之主備四

時之饌本豐而耐旱味甘而無毒供食之餘可為菹腊枯

枿之遺可為撈簇子若根則能療疾或無事棄材誠蔬茹

之上品民生之資助也春宜畦種、宜散種然夏秋皆可

種也詩曰七月烹葵此種之早者俗呼為秋葵遲者為冬

葵崔寔曰正月可種葵芥又曰六月六日種葵中伏以後

可種冬葵時有先後為之在人齊民要術云凡種時必燥

曝葵子_{子雖經歲不絕然}地不厭良薄惟糞之鋤不厭數早

則灌之_{春風多旱畦種為上}畦長兩步廣半之_{太則深掘以熟糞對土勻}

覆其上厚一許耙耨之令熟足踏使堅平用水澆潤水盡

下子又以糞土上覆深如其下癸出三葉然後澆之澆用晨夕

日中止凡畦種之物悉如之不覆條列早種者必欲耕十月

末地將凍散子勞之三可須人足踏之乃佳菜肥則正月末

種者亦如之五月初更種春者既老種以續之無於此時附地

剪去春癸冷根上耕生者柔軟亦可食乾之即中為榜簇

摘秋葉必留五六葉不留則莖孤凡摘癸必露解露諺云觸

癸八月半剪去留其咬多者則去地耕生肥嫩至收時高

可過膝莖葉皆美科雖不高柔實倍多不剪及是此種藝

之法也宿根在地春生嫩葉亦可採食前今人以韭蓼汁

併鷄肉和食謂之冷羹最為上饌古詩腰鎌刈葵霍葵之
用鎌其來尚矣然莖葉叢茂時方可刈嫩惟採摘之耳杜
詩云刈葵莫放手傷葵根孟根傷則不生矣格物之精尤
不可不審昔魯相公儀休食葵而美拔而棄之孟不與民
爭利雖然仁矣而未博也苟上之人教之以種藝之法勿
奪其時使之家種百畦其利自倍是與民共之尚何爭利
之有哉

王氏農書

種葵臨種時必須燥曝葵子

葵子雖經歲不絕然濕種者便而不肥

地不厭良

故虛彌善薄即糞之不宜妄種春必畦種水澆春多風早
非畦不得且畦者省地而采多一畦供百畦長兩步廣一

步大則水难勻又不用人足深掘以熟糞对半和土覆其上令厚一寸鉄齒耙耨之令熟足踏使堅平水下令徹澤水尽下葵子又以熟糞和土覆其上令厚二寸餘葵生三葉然後澆之澆用晨夕日中便止每一指輒把耨地令地土起下水加糞三指更種一歲之中凡得三輩凡畦種之物如種葵法不復條列也早種者必秋耕十月末地將凍散子種之一畝三升正月末散子亦得人是踐踏之乃佳

菜肥也地濕即生鋤不厭數五月初更種之

春菜既老秋葉未生故種相接

六月一日種白莖秋葵

白莖者宜乾菜莖者乾者即黑而溫

秋葵堪食仍留五

月者取子

春葵子熟不均故須留中單

於此時附地剪却春葵全根上折

生者柔軟至好仍供常食美於秋菜留之亦中拍秋菜必留

五六菜不指財莖紅留凡拍必待露解諺曰須八月半剪

去留其岐之多者則去地二三寸持生肥嫩比及收時高與人膝平

莖葉皆美雖科不高別本作雖菜實倍其不剪早生者惟高

所可用者惟有菜心附葉黃澁至惡收待霜降傷早黃爛傍簇皆

須陰中見日其碎者割訖即地中尋乎亂之待萎而亂以

攘草獲蓋徑年收子謂之冬葵子可以入藥用居家必用

葵菜葉圓似葵花葉俗呼奇菜延平八閩通志

葵為百菜之主味尤甘滑魯漆室之女葵為馬踐知愛及

國公儀休相魯食於舍而茹葵愠而拔之不欲奪園夫之

利葵有赤莖白莖復有大小之異又有鴨腳葵子雖經歲
不涸微炒令煇炸散着濕地遍踏之朝種暮生遠不過宿
早種者十月末地將凍散子勞之正月末亦可五月初更
種之以春者既老秋菜未生種此相接六月一日白莖秋
葵白莖者宜乾九月作葵菹乾葵蓋葵一歲凡得三輩士
虞禮夏秋用生葵道家十一日一食葵菜所以調和五臟
古者葵稱露葵又終葵一名繁露今摘葵必待露解語曰
觸露不摘葵日中不剪韭各宜也又葵性向日孔子以杞
鮑莊子知不如葵、猶能覆其足曹植曰若葵藿之傾太
陽夫天有十日葵与之終始故葵從葵說文云揆葵也即

所謂揆之以日者

尔雅翼

齊民要術曰今世葵有紫莖白

莖二種春必畦種水澆之而冬種者有雪勿令從風飛去
每雪輒一勞之勞雪令地保澤葉又不虫掐必解露解收
必待霜降傷早則黃爛傷晚則黑澁也詩曰七月烹葵及
菹即此是也左傳曰鮑莊子之知不及葵猶能衛其足
今葵心隨日光所轉輒低覆其根似知故葵揆也字說曰
草也能揆日嚮焉故又訓揆本草曰葵為百菜之主豈亦
以此乎爾雅曰蔞葵蔞露蔞葵一名蔞露此又葵之一種
也蔓生葉圓而厚

埤雅

三月種葵菜深掘地成畦熟糞和土覆令厚一寸脚踏平

下水候微乾勻撒葵子又以糞土覆其上厚一寸葵生三
兼用水澆灌六月間亦可種之農桑

葵菜陽草也開花時其花自朝至暮隨日而轉古之所謂
向日葵者即此物也取之以北忠臣俗傳以蜀葵黃葵向
日謬矣其菜易生郊野甚多不拘饒瘠之地皆有生於墻
上者亦茂塗陽極廣儉年可濟飢饉於不堪作田宅也多
撒其子使其野生以防儉歲之用灰條菜亦如之此二物
不可不備神隱

冬葵子味甘寒無毒主五臟六腑寒熱羸瘦五癰利小便
療婦人乳難內閉久服堅骨長飢肉輕身延長生少室山

十二月採之

黃岑為之使

葵根味甘寒無毒主惡瘡療淋利小

便鮮蜀椒毒葉為百菜主其心傷人

葵菜味甘氣寒陰中之陽無毒為百菜長滑利不可多食

能宣導積壅主客熱利小便治惡瘡及帶下散膿血惡汁

煮食主丹石發結熱葉燒為末傳金瘡持傳火瘡灸煮與

小兒食治熱毒下利及大小丹痢搗汁服孕婦煮食之易

產其心傷人勿食其葉皆黃莖赤者勿食不可與鯉魚黍

米同食天行症後食之失明花治淋澁水腫催生落胎并

一切瘡疥小兒風癩子花有五色赤者治赤帶白者治白

帶空心酒調末服之又赤治血燥白治氣燥并疥瘡又冬

葵子秋種經冬至春作之者主臟腑寒熟虛瘦五癰利小便療婦人乳難下乳汁久服堅骨長肌肉輕身延年產難取一二合杵破水煮服之癰瘡未潰者水吞三五粒便作頭膿出根主惡瘡療淋利小便服石人宜之

食物本草

冬葵菜苗葉可食秋種經冬至春故曰冬葵味甘寒滑冷無毒葉為百菜主其心傷人動寒多食冷人飲食不化發痼疾天行病後食之失目明生食動五種留飲葉皆黃莖赤者勿食能宣導積壅服丹石人煮食尤宜能解蜀椒毒主利小腸五淋婦人臨產煮葉食則滑胎易產若產時困悶以葵子二合水煎服少時便產若倒生子死腹中以葵

子搗為末酒服則順如魚子即用根

日用本草

葵本草謂之冬葵其子秋種覆莽經冬至春作子者謂之
冬葵子其苗葉作萊如其美俗呼葵萊

邵武府志

落葵

落葵味酸寒無毒主滑中散熱實主悅澤人面一名天葵
一名繁露

名臣別錄

陶隱居云又名承露人家多種之葉惟可飣音餽鮓性冷滑
人食之為狗所嚙作瘡者終身不差其子紫色女人以漬
粉傅面為假色少入藥用今注云藤葵俗呼為胡臘脂臣

禹錫等謹按蜀本圖經云蔓生葉圓厚如杏葉子似五味子生青熟黑所在有之孟詵云其子悅澤人面藥中可用之取蒸暴乾和白蜜塗面鮮華立見

證類本草

落葵爾雅所謂蒹葵藜露也蘇人呼為染線草崑人亦俗為紫草二月中下種四月中即出、時分植欄架蓋蔓生之草葉圓厚可食枝間綴青子如珠甚繁子頭作小兒花、落子熟色紫可染然亦退八月收穫本草收入蔬部今從之

名三

落葵味酸寒無毒主滑中散熱子主悅澤人面人被犬咬食此菜終身不差

食物本草

葵之類多尔雅曰蓂莢葵卽蜀葵一名蓂又曰蓂蚺蚺注
云荆葵也一名菝一名蚺蚺又曰蓂葵紫露注云落葵也
一名承露一名藤葵胡胭脂蔓生繞籬落葉圓而厚子如
豆生青熟黑按之則色紫女人以漬粉傅顏為假色又有
龍葵葉圓似排風而無毛草木畧

尔雅曰蓂葵繁露也註大葉大莖小葉華紫黃色疏葵類一名蓂
葵一名繁露

龍葵

龍葵味苦寒無毒食之解勞少睡去虛熱腫其子療丁腫
所在有之唐本注云即閬河間謂之苦菜者葉圓花白子
若牛李子生青熟黑但堪熟食不任生噉唐本先附臣禹
錫等謹按藥性論云龍葵臣能明目輕身子甚良其赤者
珠者名龍珠服之變白今黑耐老若能生食得苦者不食
佗菜十日後則有陵異不與葱薤同敢孟說云其味苦皆
援去汁食之

圖經云龍葵舊云所在有之今近處亦稀惟北方有北人
謂之苦葵葉圓似排風而無毛花白實牛李子生青熟
黑亦似排風子但甚煮食不任生噉其實赤者名赤珠服

之變白令黑不勻葱薤同食根亦入藥用今醫以治發背癰疽成瘡者其方龍葵根一兩剉麝香一分研先持龍葵根羅為末入麝香研令勻塗瘡於上甚善

菠菜

菠菜根赤味甘美柔如箭鏃味極甘美相傳其種來自波稜國因名北人所謂赤根菜也姑蘇志

菠菜七八月間以水浸子殼軟撈出控乾就地以灰拌撒肥地澆以糞水芽出惟用水澆待長仍用糞水澆之則盛

便民圖纂

菠菜稜過月朔乃生今月初二三間種与二十七八間種

者皆過來月初一方生驗之信然蓋頗陵國菜

瑣碎錄

菠菜根赤味其葉如箭簇連根煮食之則香美藝苑雌黃
云蔬品有頗稜者昔人自頗稜國携其子來因名之今俗
乃從草曰菠薐失其義矣

蘇州府志

七月種菠菜用水拌子浸二三日看殼軟撈出控乾就地
以盆合蓋候生芽且肥地鬆土內種之以水澆灌則茂農
桑撮要

菠菜結子亦如箭簇於七八月皆可種四月中收子開花
者是雄不結子宜枝去不開花者是雌乃結子宜留之
菠薐莖微紫葉圓而長下多花開劉禹錫嘉話錄云菠薐

本西國中種自頗陵國將其子來今呼其名語頗訛耳農
桑輯要云菠薐作畦下種如蘿蔔法春正月二月皆可種
逐旋食用秋杜後二十日種於畦下以乾馬糞培之以備
霜雪十月內以水沃之以備冬食又宜以香油炒食尤美
春月出莖嫩而又佳至春暮莖葉老時用沸湯揉過晒乾
以備園枯時食用甚佳實四時可用之菜也

王氏農書

菠之菜稜本西國中有僧將其子來如首蓿蒲萄令張騫

而至也絢曰豈非頗稜國將來而語訛為菠稜耶

劉公嘉話

菠薐閩中記謂葉如波紋有稜道未知何據北人呼赤根
菜葍人呼麵菜謂宜麵也

吳化府志

菠薐即鼠根菜

溫州府志

菠薐冷微毒利五藏通腸胃熱解酒毒服丹石人食之佳
北人食肉麪即平南人食魚鱉水未即冷不可多食冷大
小腸久食令人脚弱不能行發腰痛不與蛆魚同食發霍
亂吐瀉劉禹錫嘉話錄云菠薐木西國中有自被將其子
來如苜蓿葡萄因張騰而至也本是頗陵國將來語誰尔
時多不知也

菠薐菜冷微毒利五臟通腸胃熱解酒毒北人多食肉麪
食此則平南人多食魚鱉水米食此即冷不可多食冷大
小腸發腰痛令人脚弱不能行一云服丹石人食之佳劉

禹錫佳話錄云此菜來自西域頗稜國誤呼菠薐藝苑雌

黃芥云食物本草

菠薐味甘冷微毒不可多食冷大小腸令人脚弱法腰痛
不與蛆魚同食發霍亂吐瀉主利五歲通腸胃熱解酒毒
服丹石人食之佳北人食肉麵即平南人食魚鱉水米即

冷日用本草

菠薐菜本出頗陵國張騫帶來語訛為菠草木畧

波柔亦曰波稜柔如箭鏃根色赤味極甘美秋種至春三
月生子如菱角而小種須月末經朔乃生相傳種出波稜

國因名俗加草失其義矣北人呼為赤根柔松江府志

莧菜

莧菜二月間下種三月下旬移栽於茄畦之旁同澆灌之
則茂便民圖纂

二月種莧菜用月晦日晚下種之神隱

莧亦多種有馬齒莧罌莧及糠莧此野莧也若夫赤莧
白莧紫莧紅莧人莧又有五色莧皆可蔬茹人白二莧亦
可供藥易言莧陸夫、謂其柔脆也列子言寧生程、生
馬、生人馬者馬莧馬藍草之類人者人參人莧之類也
農桑輯要云人莧但五月種之園枯則食今人有三四月種者如欲
出種留食不盡者八月收子本草云不可以莧菜与鼈同

食則生鼈。鼈試以鼈甲如豆片大有者以莧菜封裹之置於土坑以土蓋之宿。尽變成鼈也。然病者頗忌常人食之作蔬作食皆可用也。王氏農書

莧有家莧野莧馬齒莧。鎮江志

赤莧莖葉深赤白莧色青而大。莧莧色紫花莧人莧野莧也。又有一種曰馬莧即馬齒莧也。八閩

莧有紅莧白莧紫莧三色。爾雅曰蕒赤莧即今紅莧是也。莖葉皆高大而見故字從見。指事也。易曰莧陸夫一謂上六孟兌見也。而又乘五剛柔脆亦除莧之象也。列子曰老韭之為莧也。老踰之為樣也。言物以老故變有如此者。傳

曰青泥殺鼈得莧復生今人食鼈忌莧其以此乎

埤雅

莧實味甘寒大寒無毒主青盲白瞽明目除邪利大小便去寒熱殺蛇虫久服益氣力不飢輕身一名莫實細莧亦同生淮陽川澤及田中葉如藍十一月採

圖經曰莧實生淮陽川澤及田中今處有之即人莧也經云細莧亦同葉如藍是也謹按莧有六種有人莧赤莧白莧紫莧馬莧五色莧馬莧即馬齒莧也自見後條入藥者人白二莧俱大寒亦謂之糠莧亦謂之胡莧亦謂之細莧其實一也但人莧小而白莧大耳其子霜後方熟實細而黑主醫目黑花肝風客熱等紫莧莖葉通紫吳人用染

菜瓜者諸莧中此無毒不寒兼主氣痢赤莧亦謂之花莧
莖葉深赤爾雅所謂蕢赤莧是也根莖亦可糟藏食之甚
美然性微寒故主血痢五色莧亦今稀有細莧俗謂之野
莧猪好食之又名猪莧

莧菜味甘寒無毒通九竅又云食動風令人煩悶冷中損
腹子主青盲白翳明目除邪利大小便去寒熱殺蛇虫久
服益氣力不飢輕身兼忌与鯿同食丹溪云莧有六種人
莧赤莧白莧紫莧五色莧其一即馬齒莧也下血又入血
分且善走馬齒莧同食下胎妙臨產煮食易產又有野生
一種灰條莧亦可食亦入藥

食物本草

莧菜有數種人莧葉小白莧葉大赤莧莖葉俱赤味其寒
無毒多食動氣令人煩悶冷中損腹不宜與鱉肉同食令
人生鱉瘕主青盲白醫明目除邪利大小便去寒熱殺虺
虫日用本草

莧按本草莧有六種有赤莧紫莧白莧五色莧人莧馬今
按蕭中有紅莧即赤莧也有深紅莧即紫莧也有玳瑁莧
即五色莧也有青白色土人呼為番莧者即白莧也人莧
未知的是何莧圖經云人莧与白莧一也但人莧小而白
莧大耳馬莧非莧類乃野草蔓生狀如馬齒易曰莧陸氏
程傳謂馬齒莧是也江東人呼為五行菜葉上有水銀

蓋感陰氣之多者九莧性寒食之宜和以蒜馬齒莧炙熟
曝乾食之亦宜和以蒜又本草謂莧不可與鼈同食今人
生鼈癰

吳江府志

莧菜韻會云莧菜皆高大而見故字從見尔雅蕒亦莧今
之莧有赤莖者豈蕒也

太倉州志

莧有紅白黑三色

山陰志

莧菜北人謂之人莧菜埤雅以字從見言莖葉高大而見
也有紅莧菜白莧菜三色爾雅曰蕒即赤莧別種細葉布地

生曰馬齒莧

松江府志

爾雅曰蕒亦莧註赤莧一名蕒分今莧菜之赤莖者也

馬齒莧

馬齒莧主目盲白翳利大小便去寒熱殺諸虫止渴破癥結癰瘡服之長年不白和梳垢封丁腫又燒為灰和多年醋滓先炙丁腫以封之即根出生持紋汁服當利下惡物去白虫煎為膏塗白禿又主三十腫風結瘡以一釜煮澄清內蠟三兩重煎成膏塗瘡上亦服之子明日經用之今附臣禹錫等謹按蜀本云馬莧味酸寒無毒主諸腫癰疣自屍脚陰腫胃反諸淋金瘡內流破血癖癥瘕汁洗去緊脣面皸解射工馬汗毒一各馬齒莧宜小兒食之注云此有二種葉大者不堪用葉小者即葉間有水銀每十斤

有八兩至十兩已來至難燥當以槐木槌碎之向日東作架曬之三兩日即乾如隔年矣其莖無效不入藥用大抵此草能肥令人不思食

圖經曰馬薺莖旧不著所出州土今處有之雖名薺類而苗葉與人薺輩都不相似又名五行草以其葉青梗赤花黃根白子黑色此有二種葉大者不堪用葉小者為勝云其即葉間有水銀每乾十斤中得水銀八兩至十兩者然至難燥當以木槌搗碎向日東作架暴之三四日即乾如經年矣入藥則去莖大抵能肥腸令人不思食耳古方治赤白下多用之療多年惡瘡百方不差或痛熅走不已

者並爛搗馬齒傳上不過三兩遍此方出於武元衡相國
武佐西川自苦並瘡焮痒不可堪百醫無效及到京城呼
供奉石蒙寺數人療治無益有廳吏上此方用之便差李
絳紀其事云

六月收馬齒莧三伏內清晨摘嫩苗用沸湯綽過就當日
晒乾次日晒極乾收貯○元旦清晨合家飲屠蘇酒食馬
齒莧以祛一年不正之氣水雲錄

馬齒莧味酸氣寒性滑無毒主目盲白醫利大小便止赤
白下去寒熱殺諸虫止渴破癥結癰瘡服之長年不老和
杓垢封丁腫又燒為灰和陳醋滓先炙丁腫以封之根即

出又傳碗豆瘡良生搗汁服當利下惡物去白虫亦治其
痢又主三十六種風結瘡一釜煮澄清內蠟三兩重煎成
膏塗之又塗白禿濕癬傳杖瘡又療多年惡瘡又治馬咬
馬汗射工毒一種葉大者不堪一種葉小節間有水銀者
可用去莖用葉此菜感陰氣之多而生食之宜和蒜餘見
莧菜下食物本草

馬薺莧又名五行草葉青梗赤花黃根白子黑有二種葉
大者不堪食小者為勝味甘寒滑無毒主明目利大小便
去寒熱殺諸虫止渴破癥結小血痢取莧莧絞汁一合和
蜜一匙空心飲之

日本用草

葉小莖柔而赤者曰馬薺薺顏氏家訓馬薺一名狔耳馬
薺薺是也

太倉州志

馬薺薺一名馬薺可煮丹砂結藥求又名五行草以其葉
青根赤紅花根白子黑也其葉間有水銀可燒取

草木畧